



XALQ DEPUTATLARI ZAFAROBOD TUMAN KENGASHI QARORI

2023 - yil 24 - fevral

VI-55-19-3-50-K/23

Zafarobod tuman hokimligi

Zafarobod tumanini ijtimoiy-iqtisodiy rivojlantirish, ijtimoiy soha va infratuzilma obektlarida qurilish-ta'mirlash va obodonlashtirish ishlarini amalga oshirish uchun mablag' ajratish to'g'risida

O'zbekiston Respublikasi Prezidenti Sh.M.Mirziyoyevning 2023-yil 10-fevral kuni Jizzax viloyatiga tashrifi davomida bergan topshiriqlarini so'zsiz ta'minlash, aholini uzoq yillardan buyon qiynab kelgan hamda kayfiyatiga salbiy ta'sir ko'rsatayotgan ijtimoiy soha va infratuzilma obektlarida qurilish-ta'mirlash va obodonlashtirish ishlarini amalga oshirish maqsadida O'zbekiston Respublikasi "Mahalliy davlat hokimiyati to'g'risida"gi qonunining 6 moddasiga hamda Byudjet kodeksining 126-moddasiga asosan xalq deputatlari tuman Kengashi

QAROR QILADI:

1. O'zbekiston Respublikasi Prezidenti Sh.M.Mirziyoevning 2023-yil 10-fevral kuni Jizzax viloyatiga tashrifi davomida aholini uzoq yillardan buyon qiynab kelgan hamda kayfiyatiga salbiy ta'sir ko'rsatayotgan kechiktirib bo'lmaydigan ijtimoiy soha va infratuzilma obektlarida qurilish-ta'mirlash va obodonlashtirish ishlarini amalga oshirish yuzasidan bergan topshiriqlari hamda xalq deputatlari Jizzax viloyati Kengashining 2023 yil 21 fevraldagi VI-42-24-3-0-K/23-sonli qarori inobatga olinsin.

2. Jizzax viloyati mahalliy byudjetidan ssudasi shaklida tumanning ijtimoiy soha va infratuzilma obektlarida qurilish-ta'mirlash va obodonlashtirish ishlarini amalga oshirish maqsadida o'tkazib berilgan mablag'larni yo'naltirish to'g'risidagi tuman hokimligi moliya bo'limining 2023 yil 22 fevral 01.20.225.08.01-39/07-sonli taklifi hamda Zafarobod tuman mahalliy byudjetining qo'shimcha manbalari hisobidan amalga oshiriladigan tadbirlarni umumlashtiruvchi komissiyasining 2023 yil 23 fevraldagi 02-14-sonli xulosasi ma'lumot uchun qabul qilinsin.

3. Tuman hokimligi moliya bo'limi (A.Do'stnazarov)ga:

- Jizzax viloyati mahalliy byudjetidan ssudasi shaklida tumanning ijtimoiy soha va infratuzilma obektlarida qurilish-ta'mirlash va obodonlashtirish ishlarini amalga oshirish maqsadida o'tkazib berilgan 500 000 000 (besh yuz million) so'm mablag'dan 130 000 000 (bir yuz o'ttiz million) so'm mablag'ni tuman hokimligiga va 370 000 000 (uch yuz yetmish million) so'm mablag'ni tuman obodonlashtirish boshqarmasiga ajratish;

- tuman mahalliy byudjetiga ssuda shaklida ajratilgan mablag'ni joriy yilning 2- va 3-chorak yakuni bilan shakllanadigan qo'shimcha manbalari hisobidan viloyat mahalliy byudjetiga qaytarish vazifalari yuklatilsin.

4. Tuman hokimligi bosh hisobchisi (S.Abdulazimov) va tuman obodonlashtirish boshqarmasi boshlig'i (F.Kazakboev)ga ajratilgan mablag'lardan maqsadli foydalanish vazifasi topshirilsin.

4. Tuman hokimligi moliya bo'limi (A.Do'stnazarov)ga ajratilgan mablag'lardan maqsadli foydalanilishi ustidan nazorat o'rnatsin.

5. Mazkur qarorning ijrosini nazorat qilish, xalq deputatlari tuman Kengashining Mahalliy byudjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha doimiy komissiyasi hamda tuman hokimining birinchi o'rinbosari X.Begiev zimmasiga yuklatilsin.

Туман ҳокими



Ў.Раҳманов